


ჩვენი გაზეთი იუბილარია, 90 წლის წინ, 1933 წლის 2 აპრილს დაარსდა გაზეთების: „თერჯოლის“, „წინსვლის“ და „საკომეურნეო სოფლის“ წინამორბედი, გაზეთი „ჩხარის კომეურნე“.



90 წელი თქვენთან ერთად!



„არს მთის კალთას, სკანდას, სასახლე მეფეთა და ციხე დიდი, დიდშენი“
ვახუშტი ბაგრატიონი

თერჯოლა

Facebook გაზეთი თერჯოლა
www.nplg.gov.ge
www.terjola.gov.ge

საზოგადოებრივი გაზეთი • გამოდის 1933 წლიდან • №21 (7097) 1 ნოემბერი 2023 წელი

„თერჯოლობა“ – 2023

თერჯოლა, 22 ოქტომბერი, 2023 წელი

„ჩემს თერჯოლას სკანდის ციხით დაფუძვები დარაჯად, დავცემულვარ მუხლზე ლოცვად დედაღვთისას კარადა, სიყვარული მოდის ჯარად, სიძულვილი არა ჩანს...“

ჩვენო თერჯოლლებო!

ჩვენთვის ძვირფასია ჩვენი მშობლიური რაიონის ყოველი გოჯი მიწა, ძვირფასია ჩვენი სანახები—ჩვენი ხალხის კოპნია ადგილ-მამულები თუ მინდორ-ველები, ჩვენი ისტორიული ადგილები, ჩვენი სოფლები, ტრადიციები თუ წეს-ჩვეულებები... ჩვენი მოსახლეობა ყოველთვის ცდილობდა, რომ ეს განუზომელი სიყვარული უხვად ჩაექსოვა მათ სადიდებელ რიტუალებში, იმ

სადღესასწაულო დღეებში, რომლებსაც საგანგებოდ უძღვნიდნენ თავის მშობლიურ კუთხეს—სოფელს, ქალაქს, ჯერ რაიონს, შემდეგ მუნიციპალიტეტს... ასეთი არაერთი დღესასწაული იციან თერჯოლამ და თერჯოლლებმა... დაბეჯითებით ვაცხადებთ, რომ მათ რიცხვში ღირსეულად შეაბიჯა „თერჯოლობამ“—სახალხო ზეიმმა, რომელიც წელს

პირველად აღინიშნა ამ სახელწოდებით. აუცილებლად უნდა ითქვას ისიც, რომ მისი წინამორბედიც საინტერესო იყო ადრინდელი „ღვინის ფესტივალის“ სახით. ახალ დღესასწაულს, მარტო სახელი არ ჰქონდა ახალი, 22 ოქტომბრის ამ დღემ კარგად შეისისხლხორცა და გაამდიდრა ძველი დღესასწაულების გამორჩეული ელემენტები, იყო

უფრო მრავალფეროვანი, დინამიური და სანახაობრივი... ადგილმა კი, სადაც ის პირველად მოეწყო—ანგარდაცვლილი მერის ლაშა გოგიაშვილის სახელობის სკვერმა, კარგად შეუწყო ხელი ორგანიზატორთა ჩანაფიქრის განხორციელებას. ბევრმა, ძალიან ბევრმა თერჯოლელმა, იმდღევანდელმა სტუმარმა და არა მარტო მათ, აღიარეს, რომ ეს დღე შედგა

და პირველმა „თერჯოლობამ“ საუკეთესო შთაბეჭდილება დატოვა... მადლობა „თერჯოლობას“, მადლობა თერჯოლას და თერჯოლელებს. მადლობა თერჯოლის მერიას და საკრებულოს, მადლობა ამ დღის ორგანიზატორებს... კმაყოფილებით აცხადებენ ისინი!.. მრავალ თერჯოლობას დავასწროს უფალმა!



თერჯოლის საპატიო მოქალაქეები

თერჯოლობის დღეს დასახელდა თერჯოლის საპატიო მოქალაქეები. ეს საპატიო ტიტული მიენიჭათ: ტრაგიკულად დაღუპულ თერჯოლის მუნიციპალიტეტის მერს ლაშა გოგიაშვილს, დარეჯან ჯაფარიძეს, სოსო გიორგაძეს, გივი ლოზიანიძეს.



ამბები თერჯოლის მუნიციპალიტეტიდან...

რუბრიკით: „ამბები თერჯოლის მუნიციპალიტეტიდან“ ვთავაზობთ წერილებს, რომლებიც მომზადებულია საჯაროდ გამოქვეყნებული ინფორმაციების საფუძველზე.

საგზაო ინფრასტრუქტურა...

თერჯოლის მუნიციპალიტეტში მუდმივ კონტროლზეა ერთ-ერთ უპირველეს პრიორიტეტულ მიმართულება—კერძოდ, საგზაო ინფრასტრუქტურა...



ოქტომბრის თვის მერე და მესამე დეკადაში ამ მიზნით მუნიციპალიტეტის მერმა მანუჩარ რობაქიძემ, გოდოგონის ადმინისტრაციულ ერთეულში მერის წარმომადგენელ გურამ ცირეკიძესთან ერთად ხორხის უბნის საავტომობილო გზის სამშენებლო სამუშაოები ადგილზე დაათვალიერა, მშენებელი კომპანიის წარმომადგენელს ესაუბრა და პროექტის ხარისხისა და ვადების დაცვის შესახებ დეტალური ინფორმაცია მიიღო.

როგორც მუნიციპალიტეტის მერმა, მანუჩარ რობაქიძემ აღნიშნა „თერჯოლის მუნიციპალიტეტში საგზაო ინფრასტრუქტურის მოწყობა აქტიურად გრძელდება, ხორხის უბანში პროექტის ფარგლებში 400 მეტრამდე არმირებული ბეტონის საფარის საავტომობილო გზა მოეწყობა. გარდა ამისა, სამშენებლო სამუშაოები მიმდინარეობს სოფელ ჭალასთავში, ამ—დროისთვის დასრულებულია 900 მეტრამდე გზის მშენებლობა. პროექტი 2024 წელს სრულად განხორციელდება“.

გრძელდება ჭიჭინაძეების უბანში საავტომობილო გზის რეაბილიტაცია. აქ პროექტის ფარგლებში 950 მეტრამდე არმირებული ბეტონის საფარის გზა მოეწყობა.

გოდოგონის ადმინისტრაციულ ერთეულში გზების სამშენებლო სამუშაოები რფგ-დან ადგილობრივი ბიუჯეტის თანადაფინანსებით ხორციელდება.

საგზაო ინფრასტრუქტურის მონიტორინგის ფარგლებში, თერჯოლის მუნიციპალიტეტის მერმა, მანუჩარ რობაქიძემ, საკრებულოს თავმჯდომარის მოადგილე ჯემალ ისაკაძესთან და ქალაქ თერჯოლის მაჟორიტარ დეპუტატ ელისო მურადაშვილთან ერთად სულხან-საბა ორბელიანის ქუჩაზე გზის სამშენებლო სამუშაოები ადგილზე დაათვალიერა.

რეგიონული განვითარების ფონდის დაფინანსებით, ქალაქ თერჯოლაში, სულხან-საბა ორბელიანის ქუჩაზე, საავტომობილო გზის რეაბილიტაცია აქტიურად მიმდინარეობს. პროექტის ფარგლებში არმირებული ბეტონის საფარით 1 კმ-მდე გზა მოეწყობა.

გზის სამშენებლო სამუშაოებს შს „მშენებელი 2022“ ახორციელებს. პროექტის დასრულების შემდეგ გადაადგილება უსაფრთხო და კომფორტული გახდება.

თერჯოლის მუნიციპალიტეტის მერმა, მანუჩარ რობაქიძემ საკრებულოს თავმჯდომარის მოადგილე დავით გოგბერაშვილთან ერთად სოფელ თავასა-თუზის დამაკავშირებელი გზის სარეაბილიტაციო სამუშაოები ადგილზე დაათვალიერა, სადაც არმირებული ბეტონის საფარის მოწყობა მიმდინარეობს.

პროექტი რფგ-დან ადგილობრივი ბიუჯეტის თანადაფინანსებით ხორციელდება, რომლის ფარგლებში ერთ კილომეტრზე გზა მოეწყობა.

სამუშაო შეხვედრას თუზის ადმინისტრაციულ ერთეულში მერის წარმომადგენელი, მამუკა გოგბერაშვილი და ადგილობრივები ესწრებოდნენ.

17 ოქტომბერს, ვეტერანთა დღეს...

თერჯოლის მუნიციპალიტეტის მერი, მანუჩარ რობაქიძე მოადგილე მირზა ქოჩიაშვილთან და თერჯოლაში ვეტერანების საქმეთა სახელმწიფო სამსახურის უფროს გიორგი ლილუაშვილთან ერთად მუნიციპალიტეტში მცხოვრებ ომის ვეტერანებს შეხვდა და ვეტერანის დღე მიულოცა. მათ სამომავლოდ მხარდაჭერას დაჰპირდა.



იმავე დღესვე, ხელმძღვანელმა პირებმა საქართველოს ერთიანობისათვის დაღუპულ გმირთა მემორიალი გვირგვინით შეამკეს და მათ ხსოვნას წუთიერი დუმილით პატივი მიაგეს.

გმირთა მემორიალზე საკრებულოს თავმჯდომარის მოადგილე, ჯემალ ისაკაძე, მერიის თანამშრომლები, ასევე ვეტერანები და სხვა მონაწილე სტუმრები იმყოფებოდნენ.

საქართველოში ვეტერანის დღე 2014 წლიდან აღინიშნება. 1995 წლის 17 ოქტომბერს საქართველოს პარლამენტმა მიიღო კანონი „ომისა და სამხედრო ძალების ვეტერანთა შესახებ“, რაც შემდგომში ვეტერანის დღის დანესების საფუძველი გახდა.



მხარდაჭერა ბავშვიან ოჯახებს...

თერჯოლის მუნიციპალიტეტის მერიამ ბავშვიანი ოჯახების მხარდაჭერისა და გაძლიერების პროგრამის ფარგლებში, ბენეფიციარებს საყოფაცხოვრებო ტექნიკა გადასცა.



რამდენიმე ოჯახში, პირადად მუნიციპალიტეტის მერი მანუჩარ რობაქიძე, საკრებულოს თავმჯდომარის მოადგილე დავით გოგბერაშვილთან ერთად იმყოფებოდა. იგი ბენეფიციარებს გაესაუბრა და სამომავლოდ კვლავ თანადგომას დაჰპირდა.

ამ მიმართულებით, შემოსულ განცხადებებს ბავშვთა უფლებების დაცვისა და მხარდაჭერის განყოფილება განიხილავს. ინდივიდუალური მხარდაჭერის გეგმის ფარგლებში, ბენეფიციარებს საყოფაცხოვრებო ტექნიკა, გაზქურა, მაცივარი და სარეცხი მანქანა გადაეცათ.

პროგრამის მიზანია, მუნიციპალიტეტში რეგისტრირებული ოჯახების გაძლიერება, სამიზნე ჯგუფს დაეხმაროს სხვადასხვა პირველადი საჭიროების მქონე ნივთების შექენაში.

სამუშაო შეხვედრას, ძველის, ჩხარისა და გოგნის მაჟორიტარი დეპუტატი მანუჩარ ფანჩულიძე, ალისუბნის მაჟორიტარი დეპუტატი, ბადრი ბუცხრიკიძე, ადმინისტრაციული და შესყიდვების სამსახურის უფროსი ლაშა ლანჩავა, ასევე ბავშვის დაცვისა და მხარდაჭერის განყოფილების თანამშრომელი ნინო ხუჯაძე ესწრებოდნენ.

მოსახლეობის საყურადღებოდ!

თერჯოლის მუნიციპალიტეტიდან ტყიბულის მიმართულებით, დამატებით, რამდენიმე ადგილზე ამუშავდა სექციური სიჩქარის მზომი ვიდეოკამერები, რაც უზრუნველყოფს საავტომობილო გზებზე უსაფრთხოების ნორმების დაცვით გადაადგილებას.



მიმდინარე წლის, 20 ოქტომბრიდან სექციური სიჩქარის მზომი კამერები ჩაირთო ქალაქ თერჯოლის მე-2 საბავშვო ბაღიდან, ჩხარის №2 საჯარო სკოლამდე (მეტლახის დასახლება).

გთხოვთ, გაითვალისწინოთ და დავიცვათ კანონმდებლობით დადგენილი უსაფრთხოების წესები.

„თერჯოლა“ – 2023

თერჯოლა, 22 ოქტომბერი, 2023 წელი

„შემოდგომის უღელს მზე ხარივით უბია“

2023 წლის 22 ოქტომბერი—დილა ადრინი და მზიანი, მერე თანდათან იმატა მზის მცხუნვარებამ, ამინდმა ეშხი და ლაზათი შემატა ისედაც ამაღლებულ განწყობილებას.

„თერჯოლობის“ ჩასატარებლად დილიდანვე სასიამოვნო „არეულობა“ იყო. აქ უკვე იგრძნობოდა, რომ „თერჯოლობა“ მაღალ დონეზე ჩაივლიდა, ზუსტად ისეთი იქნებოდა თერჯოლას რომ ეკადრება. დილიდანვე მოვიდნენ მუნიციპალიტეტის მერიისა და საკრებულოს ხელმძღვანელები, სხვა პასუხისმგებელი მუშაკები, ზუსტდებოდა ბოლო დეტალები.

ლაშა გოგიაშვილის სახელობის სკვერი, მიმდებარე ტერიტორია, სადაც „თერჯოლობა“ უნდა ჩატარებულიყო, მთლიანად ჰქონდა მოცული მრავალი სახის გასართობ ატრაქციონს. თავიანთი კუთხეები ჰქონდათ მიჩენილი ადგილობრივ და სხვადასხვა რაიონებიდან თუ ქალაქებიდან მოსულ ინდემნარმეებს, რომლებიც საუკეთესო და ნაირ-ნაირ პროდუქციას სთავაზობდნენ თერჯოლელებს, უამრავ სტუმარს თუ მასპინძელს. იკრიბებოდა სრულიად თერჯოლა, რაიონიდან წასულელები, დროებით ქვეყნის სხვადასხვა ქალაქებში თუ საზღვარგარეთ მცხოვრებნი, ადრე ცნობილი სახეები, თერჯოლაზე და თერჯოლელებზე შეყვარებული ხალხი. ნაცნობ-უცნობები ერთმანეთს ესალმებოდნენ და ულოცავდნენ. ოქტომბრის ამ მშვენიერ დღეს ერთმანეთი, ყველა და ყველაფერი გვიყვარდა, „თერჯოლობას“, ერთიანობას და სიყვარულს ზეიმობდა თერჯოლა...

ასეულობით პატარა მოხიბლა გასართობმა ბავშვთა ქალაქმა, საპნის ბუშტების შოუმ.

ისინჯებოდა, იყიდებოდა და იყო ქება „ურიცხვი“ ხელნაკეთი ნაწარმის, პატარებიც და დიდებიც სიამოვნებით აგემოვნებდნენ ადგილზე მომზადებულ და ამ დღისათვის წარმოდგენილ კვების პროდუქტებს.

ყურადღება მიიქცია ამჟამად თბილისში მცხოვრებმა ეკვადორელმა მენარმემ ხოსე პიკვასამ. ბევრმა იცის სიქთარვის საჯარო სკოლაში ამერიკელი მოხალისე მასწავლებელი—სოსო. მათ მალევე მოუწახვავთ ერთმანეთი და კი ჩაჯდომიან სიქთარველების უხვ სუფრას. ხოსემ და სოსომ ორივემ იცის ქართული, ორ სიტყვას მოგვარი ყური—მშვენიერი, საოცარი. ეკვადორი სამხრეთ ამერიკის ჩრდილო დასავლეთ ნაწილში მდებარეობს, წყნარი ოკეანის რამდენიმე სხვა კუნძულთან ერთად, არა ნაკლებ საოცარია—როგორ მოგვავსო!

კუთხე—გამოფენები სკვერში

სკვერის ერთ მონაკვეთზე მოწყობილი იყო ტურისტული კუთხე, ტურისტული კარვებითა და საინფორმაციო სტენდით თერჯოლის ტურიზმზე.

სკვერის ვრცელ ტერიტორიაზე ფართოდ, ლამაზად, მრავალფეროვნად და საინტერესოდ იყო წარმოდგენილი მოსწავლე-ახალგაზრდობის მუნიციპალური ცენტრი.

სკვერში, მოსწავლეთა ცენტრის ინიციატივით მოეწყო არაჩვეულებრივი საშემოდგომო დეკორაციები, ფოლკლორის კუთხე, სამზარეულო, რომელმაც უამრავი დამთვალიერებლის მოწონება და აღფრთოვანება დაიმსახურა. აქვე იყო სურვილების სახლი, სადაც 221 ადამიანმა საყვარელ თერჯოლასთან

დაკავშირებული წინადადება, იდეა თუ მოსაზრება სურვილად აქცია და ყუთში წერილობით დატოვა.

სკვერის ამფითეატრის სცენაზე მოსწავლე-ახალგაზრდობის ცენტრის ორგანიზებით იმერულ მოტივებზე შექმნილი ღონისძიება გაიმართა, რომელშიც ცენტრის მხატვრულ კოლექტივებთან და ალსაზრდელებთან ერთად სამუსიკო სკოლის მოსწავლეებიც ლებულობდნენ მონაწილეობას.

სკვერის ამფითეატრთან სამხატვრო სკოლის ორგანიზებით მოეწყო მოსწავლეთა ნამუშევრების გამოფენა. იქვე, ამ საზეიმო დღეს, ხელმძღვანელმა პირებმა, თერჯოლისა და ტყიბულის მიტროპოლიტთან მეუფე გიორგი შალამბერიძესთან ერთად სამხატვრო სკოლის მოსწავლეთა გამოფენა-კონკურსში „ჩემი ქალაქი“ დათვალიერეს. მათვე პირადად დააჯილდოვეს გამარჯვებული მოსწავლეები.

იმ დღეს ერთად, გვერდი-გვერდ იყო ჩვენი ქალაქის უკვე ცნობილი ხელოვანი ქალბატონების: ნანა გოგიაშვილის, ხათუნა გურულის, თეა ტალახაძის, მერი კუპატაძის, თეონა ჭანტურიძის მრავალფეროვანი ნამუშევრები. ისინი მნახველთა ინტერესსა და მოწონებას იწვევდა და დიდხანს იდგნენ გამოფენის წინ.

მდიდარი გამოცდილება გამოადგათ

თერჯოლის მუნიციპალიტეტი „ღვინის ფესტივალს“ 2013 წლიდან აღნიშნავს. მუნიციპალიტეტის მერის ადმინისტრაციულ ერთეულებში მდიდარი გამოცდილება არის დაგროვილი, მაგრამ მაინც იყო რაღაც საინტერესო, მიმზიდველი, ახალი და გამორჩეული თითოეული სოფლის კუთხესთან, რომელიც წილისყრით შეხვდათ. მალე დანობრილი და ცარიელი მაგიდები ქათქათა გადასაფარებლებით დაიფარა. მსუბუქი ავტომანქანებიდან, მიკროავტობუსებიდან გადმოჰქონდათ სხვადასხვა სურსათი და ღვინო „ღმერთების სასმელი“. მოჰქონდათ თონეები, ღვინის გადასაღები მოწყობილობები, მომცრო ჭურები, დოქები, ჭინჭილები, თლილი სასმისები, საპები და ორშიმოები, მინიატურული ურმებიც კი, თანდათან იწყობოდა სუფრა, იმერული შნი და ლაზათი ეტყობოდა ყველაფერს, აინთო მაყალი, მოდულდა ფელამუში, ამოივლო ჩურჩხელები, თონეში ფიჩხი ჩაიყარა... ცალკე მოეწყო სადეკუსტაციო ღვინოების მაგიდა, „წარმომავლობის“, „ღვინის მფლობელების“ გვარების მინიშნებით და სანამ ყველა სუფრა „მოიფინებოდა ყვავილებით“, საორტულ მოედანზე ლაშა გოგიაშვილის სახელობის მუნიციპალური ტურნირი გაიმართა მინი ფეხბურთში, ერთმანეთს ფინალში გამარჯვებული გუნდები ხვდებოდნენ.

ხელის თხოვნა სტადიონზე

და მოხდა საინტერესო, ამაღლებველი, სასიხარულო ფაქტი. სტადიონზე, ძვერელმა თორნიკე ფანჩულიძემ, ხელი სთხოვა საზანიოელ თამარ თავბერიძეს. ფეხბურთელები, მრავალრიცხოვანი მაყურებელი წყვილს მიუახლოვდა, ყველამ მიულოცა და ბედნიერება უსურვა ახალგაზრდებს. წყვილს ბედნიერება მიულოცა მუნიციპალიტეტის მერმა მანუჩარ რობაქიძემ და სხვა ხელმძღვანელმა პირებმა.

თერჯოლის ფეხბურთის სტადიონზე ჩაეყარა საფუძველი ახალ ოჯახს, მთელი საქართველო თუ არა, მთელი თერჯოლა ხომ მაინც ნახავს 4



„თერჯოლობა“ – 2023

3

თერჯოლა, 22 ოქტომბერი, 2023 წელი

„ჩემს თერჯოლას სკანდის ციხით დაფუძვები დარაჯად, დავცემულვარ მუხლზე ლოცვად დედა ღვთისას კარადა, სიყვარული მოდის ჯარად, სიძულვილი არა ჩანს...“



და მიულოცავს თორნიკეს და თამარს ამ ბედნიერებას.

„ანვიმს საქართველოს ვაზის სიმფონია“

თერჯოლაში ვაზის რამდენიმე ჯიშია გავრცელებული, „თერჯოლობაზე“ ყველა წარმოდგენილი იყო. სჭარბობდა ციცქა, ცოლიკაური, შერეული, წითელი ღვინო, ოცხანური, ბოცებში, ბოთლებში, ძირითადად ჭურებში დაყენებული. ეს მამაპაპური თიხის ჭურჭელი, კვერცხის მოყვანილობისა, როგორც სულხან საბა განმარტავს, ასე განიყოფებიან: დიდსა ეწოდების ქვევრი, მისსა შემდგომსა ყვიბარი, მისსა უმცროსსა ქოცო. ვინ იცის, სოფლებიდან წარმოდგენილი ჭაშნიკი რომლისა იყო, მაგრამ ყველა რომ კარგი იყო, ღვინის მცნობელი ხალხი ადასტურებდა.

„აზვავებული შემოდგომა“ წელს „ბელლეს“ არ ჩაბარებია. მევენახეს არ გაუმართლა, მაგრამ ქართულ სუფრას, მითუმეტეს სტუმრებთან, „გარეთ გასატანად“ მაინც არაფერი აკლია. ამ წესშიც არის ჩვენი ღირსება.



გაიმართა ღვინის კონკურსი, სომელიებმა (დეგუსტატორებმა) ყველა სოფლის მიერ წარმოდგენილი ღვინო გასინჯეს, მცირე ხნით სათათბიროდ შეიკრიბნენ და გამოვლინდნენ გამარჯვებულები სხვადასხვა ნომინაციაში. საუკეთესო ციცქა—გიორგი ქოჩიაშვილი (სიქთარვა), საუკეთესო ცოლიკაური—მერაბ ტყეშელიძე (კვახჩირი), საუკეთესო შერეული (ციცქა-ცოლიკაური) მირზა ცერცვაძე (ქვ. სიმონეთი), საუკეთესო ქვევრის ღვინო რამაზ ნიკოლაძე (ნახშირდღე), საუკეთესო წითელი ღვინო (საზანოს მარანი), საუკეთესო განსხვავებული ჯიშის ირაკლი კუბლაშვილი (ღვანკითი).

„თერჯოლობა“ დიდხანს ვაგრძელდა, ოფიციალური ნაწილის-კუთხეების დათვალიერება და დეგუსტაციის დამთავრების შემდეგ, კუთხეებში განწყობილი სუფრა განახლდა, იყო გადაპატოქება, გამვლელების მიწვევა, გადამქრალი ნაკვერჩხალი მაყალში ისევ ვაღვივდა, გაცხელდა მწვანეები და ხაჭაპურები, ყველას უნდოდა მონონებული ღვინოების დაჭაშნიკება.



„თერჯოლობაზე“ კიდევ ერთხელ შეფასდა მშრომელი კაცის შრომა, ტრადიციული დარგი მევენახეობა-მეღვინეობა, ისიც, რომ ჩვენ ვიცით ვაზის ფასი. ვაზი არ გაიჩეხება, თერჯოლაში მომრავლდება ციცქა, ცოლიკაური, ოცხანური, განსხვავებული ჯიშები, ვენახი მალღარი, დაბლნარი, ხარდის ვენახი, ტალავერი, განრთხმული...
ქართველი ხალხის ეკონომიკაში მევენახეობა-მეღვინეობას განსაკუთრებული მნიშვნელობა ჰქონდა და ექნება, ათასეული ნიღბის მანძილზე იქმნებოდა მისი კულტურა, მუშავდებოდა ღვინის დამზადების ტექნოლოგიები, ქართული ღვინოები ქებით არის მოხსენებული ანტიკური ავტორების შრომებში, უცხოელი მოგზაურების ჩანაწერებში.

თამადა, ქართული სუფრის მშვენიერება, აქ არ აურჩევიათ, ყველა კუთხეს თავისი ჰყავდა, ყველა კუთხეში ყველა თავისას ამბობდა, პირველი ყველგან, „თერჯოლობის“, მშვიდობის, იმედის, მომავალის, სიყვარულის, გატანის, გამძლეობის სადღეგრძელო იყო.

თერჯოლას სტუმრობდა და ყველა თერჯოლელი დალოცა თერჯოლისა და ტყიბულის მიტროპოლიტმა, მუჟუფ გიორგიმ (შალამბერიძე). თერჯოლის მუნიციპალიტეტის ყველა მოქმედი ეკლესიის წინამძღვრებმა, იმერეთის რეგიონის მუნიციპალიტეტის მერებმა და საკრებულოს თავმჯდომარეებმა, სხვა სტუმრებმა მეზობელი ქალაქებიდან, იმერეთის სამხარეო ადმინისტრაციიდან, ზეიმის მონაწილეებმა სახელდახელოდ მოწყობილ სცენისაკენ გადაინაცვლეს.

დაჯილდოება

ღვინის კონკურსში გამარჯვებულებს სპეციალური პრიზები და დიპლომები გადასცეს მუნიციპალიტეტის მერმა ბატონმა მანუჩარ რობაქიძემ, საკრებულოს თავმჯდომარის მოადგილემ დავით გოგბერაშვილმა, მათვე პრიზები და მადლობის სიგელები გადასცეს ცხრა-მეტრე ადმინისტრაციული ერთეულის წარმომადგენლებს ღვინის კონკურსში მონაწილეობისათვის, სოფლის წარმოჩენისათვის. აქვე მოხდა წარმატებული სპორტსმენების დაჯილდოება—გიორგი ამბროლაძე (გოდოგანი), ვეროპის და მსოფლიო ჩემპიონი მკლავჭიდაში, იური ჩაფიძე (ქვ. სიმონეთი), ვერცხლის მედლის მფლობელი 17 წლამდე ასაკის ჩემპიონატზე ბერძნულ-რომაულ ჭიდაობაში. გიორგი სვინტრაძე (ჭოგნარი) პარა სპორტსმენი, პარა მკლავჭიდაედი და მსოფლიოს ჩემპიონი.

მუნიციპალიტეტის მერის ინიციატივით წარმატებულ თერჯოლელ სპორტსმენებს გადაეცათ 5000-5000 ლარი, მწვრთნელებს 2000-2000 ლარი.

„თერჯოლობა“ 2023 — ის კულმინაცია

დასახელდა თერჯოლის საპატიო მოქალაქეები. ეს საპატიო ტიტული მიენიჭათ:

ტრაგიკულად დაღუპულ თერჯოლის მუნიციპალიტეტის მერს ლაშა გოგიაშვილს, 2020 წლის აპრილიდან იგი იყო მერის პირველი მოადგილე, მერის მოვალეობის შემსრულებელი. ზედიზედ ორჯერ არჩეული მერი. ჰყავს მეუღლე და სამი შვილი. მის სახელს უკავშირდება ბევრი მნიშვნელოვანი პროექტი, განსაკუთრებული კვალი დატოვა მერობის მცირე დროში, ნეტა დაცლოდა, ბევრ და სასიკეთო საქმეს 5



„თერჯოლა“ – 2023

თერჯოლა, 22 ოქტომბერი, 2023 წელი

„ჩემს თერჯოლას სკანდის ციხით დაფუძვები დარაჯად, დავცემულვარ მუხლზე ლოცვად დედა ღვთისას კარადა, სიყვარული მოდის ჯარად, სიძულვილი არა ჩანს...“

4

გააკეთებდა, ეს საქმეები და კიდევ მრავალი გრძელდება...

დარეჯან ჯაფარიძე—1972 წელს დაამთავრა თბილისის სახელმწიფო სამედიცინო ინსტიტუტის სამკურნალო ფაკულტეტი. 1987-1995 წლებში იყო თერჯოლის რაიონის მთავარი ექიმი, არის პირველი კატეგორიის ექიმი, მიღებული აქვს სახელმწიფო სერტიფიკატი „მინაგან მედიცინაში“, დაჯილდოებულია „საპატიო ნიშნის“ ორდენით. დარეჯან ჯაფარიძე 46 წელი სიყვარულით, ერთგულად და მაღალპროფესიულად იდგა თერჯოლის მოსახლეობის სიცოცხლისა და ჯანმრთელობის სადარაჯოზე.

სოსო გიორგაძე—საქართველოს ინტელექტუალური საკუთრების ეროვნული ცენტრის-საქპატენტის თავმჯდომარე. მის სახელს უკავშირდება სოფელ საზანოში იუსტიციის სახლის მშენებლობა. მისი ჩართულობით და ინიციატივით რეაბილიტაცია ჩაუტარდა სპორტულ მოედანს და გადაეცათ სპორტული ინვენტარი. სოსო გიორგაძეს დიდი წვლილი მიუძღვის ქ. თერჯოლაში იუსტიციის სახლის მშენებლობის საქმეში, 2013-2022 წლებში მუშაობდა იუსტიციის სამინისტროში სხვადასხვა თანამდებობაზე.

გივი ლოზიანიძე—იგი წარმოშობით რაჭველია, მაგრამ ბევრი რამ აკავშირებს თერჯოლასთან. 1982-86 წლებში იგი ემსახურებოდა თერჯოლის მოსახლეობის სიმშვიდესა და წესრიგის დაცვას, იყო თერჯოლის რაიონის პოლიციის განყოფილების უფროსი, იგი არის მეცნიერი, საზოგადო მოღვაწე, მეცნიერებათა აკადემიის აკადემიკოსი, იურიდიულ მეცნიერებათა დოქტორი, პროფესორი, არის 100-ზე მეტი სამეცნიერო ნაშრომის, 26 წიგნის (მათ შორის ცხრა სახელმძღვანელოს) ავტორი და 10 წიგნის თანაავტორი. სამინისტროს წინაშე დამსახურებისათვის დაჯილდოვებულია ვახტანგ გორგასლის მესამე ხარისხის და ღირსების ორდენებით.

საპატიო მოქალაქეებმა სიტყვები წართქვეს, სამადლობელი არ დაიშურეს.

განათლების სფეროში მიღწეული წარმატების შესახებ ისაუბრა საგანმანათლებლო რესურსცენტრის ხელმძღვანელმა ქეთევან შეყრილაძემ, სცენაზე მოიხმეს დამსახურებული პედაგოგები დალი სარალიძე და ეთერ ტურავა, მათ თაიგულებიც დაიმსახურეს...

კმაყოფილები და ბედნიერები ჩანდნენ, მადლობაც არაერთხელ გამოხატეს.

„თერჯოლა“-2023-ის გვერდებზე რეფრენად გამოყენებულია ტაეპი თერჯოლელი პოეტის, გონერი მოსელიძის ლექსიდან „ჩემს თერჯოლას“.



შემაჯამებელი კონცერტი—ადგილობრივი ანსამბლები

„თერჯოლა“ შემაჯამებელმა კონცერტმა დაასრულა. სიმღერის ანსამბლმა „მასპინძელო“ (ხელმძღვანელი ინეზა ბუცრიკიძე), ქორეოგრაფიულმა ანსამბლმა „საპოვნელა“ (ხელმძღვანელი გოჩა ჭანკვეტაძე, ქორეოგრაფები ირინა ბუცრიკიძე, გიორგი და თამუნა ჭანკვეტაძეები, ნანა მაკარიძე). ანსამბლმა „იაშე“ (ხელმძღვანელი გულთამაშე კუბლაშვილი), ფოლკლორულმა ანსამბლმა „იმერეთი“ (ხელმძღვანელი გულთამაშე კუბლაშვილი), თერჯოლის მოსწავლე-ახალგაზრდობის მუნიციპალური ცენტრის ბავშვთა ქორეოგრაფიულმა ანსამბლმა „ბერიკონი“ (ხელმძღვანელები: ზაურ სვანიძე, ვიტალი და მანუჩარ ლაღაძეები), ქორეოგრაფიულმა ანსამბლმა „GEO გენი“ (ხელმძღვანელი ირინა ბუცრიკიძე) მოხიბლა მაყურებელი.

თერჯოლის მკვიდრი ლევან მაკარიძე

იგი თბილისის ფალიაშვილის სახელობის ოპერისა და ბალეტის ნამყვანი სოლისტია, საინტერესო გზა აქვს გავლილი... ლევანმა ახლახან სოლო კონცერტი გამართა ლიტვაში, საოპერო ნაწარმოებები შესრულებული აქვს იტალიაში, გერმანიაში, ჩინეთში. თერჯოლაში მან შეასრულა „ღვინოვ კახური“. საამაყოა, თერჯოლაში, ჩვენს გვერდით, ჩვენს თვალწინ გაზრდილი ლევანი, მსოფლიო სცენებს იპყრობს.

ქუთაისის საოპერო თეატრის სოლისტი, პროფესორი და ხელოვნების ქურუმი, თერჯოლის მკვიდრი რამაზ კუბლაშვილი სტუმრობდა თერჯოლას და მოხიბლა მსმენელი, მან და ლევან მაკარიძემ ანსამბლ „მასპინძელოსთან“ ერთად შეასრულა სიმღერა „საპოვნელა“.

შესანიშნავი დღე-თერჯოლა ადგილობრივი ანსამბლების, ბატონების ლევანისა და რამაზის მიერ შესრულებული „მრავალფაშიერით“ დამთავრდა. დღის მთავარი ღონისძიება მიჰყავდა თბილისიდან სპეციალურად ჩამოსულ თერჯოლის მკვიდრს ნატა ცხადაძეს.

დამთავრდა „თერჯოლა“, ამოინურა „ღღის წესრიგი“, „ვაზის სიმფონია“ აწვიმდა თერჯოლას, იდგა ჟამი რთველის, ოქროსფერი შემოდგომის და სიყვარულის. მართლაც, „გინდ ჩასულხარ იმერეთში, გინდა სამოთხეში“.

შუქუნა ცხადაძე
დავით კლდიაშვილი



ბავშვობის დაუვინყარი მოგონებები

...მშობლები, ერთადერთი და, რომლებიც ეხმარებოდნენ მოსწავლეობისას, ქვ. სიმონეთის №1 საჯარო სკოლის პედაგოგები, რომლებიც ასწავლიდნენ საგნებსა და ცხოვრებასაც, მიუხედავად იმისა, რომ დამოუკიდებლად ბევრს მიაღწია, მაინც რჩება მისი ბავშვობის საუკეთესო ისტორიად და მადლობელ ადამიანებად.

„თანდათან ფერმკრთალდება ბავშვობის მოგონებები, მაგრამ არ შეიძლება დამავინყდეს მშობელი დედასავით მზრუნველი მასწავლებლები და საქებარი, სასწაული სიტყვები, რომლებსაც ისინი მეუბნებოდნენ“—ასე დაიწყო ჩვენთან საუბარი თერჯოლის №1 საჯარო სკოლის ინგლისური ენისა და ლიტერატურის მენტორის სტატუსის მქონე მასწავლებელმა ლალი ამბროლაძემ, თავის დროზე ოქროს მედალოსანმა და 100%-იანი გრანტის მფლობელმა.

დამოუკიდებელი ცხოვრების გზაზე

2009 წელს ჩააბარა ეროვნული გამოცდები. ჩაირიცხა აკაკი წერეთლის სახელობის სახელმწიფო უნივერსიტეტში, განსაკუთრებული სიხარული მაშინ იგრძნო, როცა თავისი გვარი რეიტინგული სიის სათავეში ამოიკითხა, მოტივაციის მომცემა იყო თერჯოლის საგანმანათლებლო რესურსცენტრის ფასიანი საჩუქარი. უნივერსიტეტში, საგნებში მიღებული კრედიტების მიხედვით დაენიშნა სახელმწიფო სტიპენდია, ბაკალავრის ოთხი წელი



ნითელ დიპლომზე დამთავრა. 2012-13 სასწავლო წელს მონაწილეობდა გაცვლითი პროგრამის კონკურსში, მოიპოვა სრული დაფინანსება და ყოველთვიური სტიპენდია 1000 ევრო. 6 თვის განმავლობაში სწავლობდა ავსტრიის ქალაქ გრაცში, „ეს იყო უდიდესი გამოცდილება, ავსტრიელი და ამერიკელი ლექტორები, დილის რვა საათზე დაწყებული და საღამოს ცხრა საათზე დამთავრებული

ლექციები, გადაჭედული სალექციო დარბაზები, საინტერესო სემინარები, საერთაშორისო სტუდენტები, სტუდენტური საცხოვრებლები, წვეულებები, დასვენების დღეები, ფერადი შემოდგომა, სასწაული შობა-ახალი წელი, საჩუქრები—გვითხრა ლალიმ და დაბრუნდა დიდი ცოდნით, გამოცდილებით, საკმარისზე ბევრად მეტი კრედიტებით. 2013 წელს ისევ ჩააბარა ეროვნული გამოცდები და ისევ 100%-იანი დაფინანსებით და საუნივერსიტეტო შიდა გამოცდების შედეგად მოპოვებული ქულებით სწავლა მაგისტრატურაზე, ინგლისური ენის მიმართულებით გააგრძელა, მიიღო ნითელი დიპლომი. იმავე წელს ინგლისური ენის მიმართულების ხელმძღვანელმა, ქალბატონმა ნათია ზვიადაძემ შესთავაზა უნივერსიტეტში ლაბორანტად მუშაობა, რომ არა ბავშვობის გატაცება, მასწავლებლის პროფესიის და ბავშვების სიყვარული, შესაძლოა სხვაგვარად წარმართულიყო მისი ცხოვრება. „დავინყე სკოლებში ვაკანტური ადგილების მოძიება, რამდენიმე სკოლაში დავვტორი რეზიუმე გეგმაში მქონდა თერჯოლის №1 საჯარო სკოლა და სხვა შემთავაზება არ მივიღე. სკოლის მაშინდელმა დირექტორმა ქალბატონმა დალი სარალიძემ იქვე წაიკითხა რეზიუმე და მითხრა აქამდე სად იყავიო. ამ ადამიანმა მომცა შესაძლებლობა გამმხდარიყავი მასწავლებელი, გამეცნო სკოლის უძლიერესი პედაგოგები, მესწავლა მათგან“... მალე მოიპოვა უფროსი მასწავლებლის სტატუსი, მალევე მიიღო მონაწილეობა შესარჩევ კონკურსში და გახდა ამერიკის საელჩოს მიერ დაფინანსებული პროექტის ერთ-ერთი წევრი. გაიარა სასწავლო კურსი „ინგლისური ენა სამოქალაქო განათლების გამოყენებით“, ამ პროექტით მიეცა საშუალება ლექციების და პრაქტიკული დავალებების შემდეგ ჩაეტარებინა გაკვეთილები, რომლითაც მიიღო უდიდესი გამოცდილება. მისი ორკვირიანი თავგადასავალი საჩუქრების და სერთიფიკატის გადაცემით დასრულდა. მენტორი მასწავლებელი ჩართულია მრავალ საერთაშორისო პროექტში. ეს აძლევს საშუალებას დაეხმაროს მოსწავლეს ინგლისური ენის ოთხივე მიმართულების გაუმჯობესებაში—წერა, კითხვა, მოსმენა, საუბარი. „ენობრივი უნარების განვითარების გარდა, პროექტული სწავლებით მოსწავლეები იცნობენ თავიანთ უცხოელ თანატოლებს, იძენენ სხვადასხვა კულტურულ უნარ-ჩვევებს და ყალიბდებიან გლობალურ მოქალაქეებად“—თქვა ლალიმ და კმაყოფილია, რომ გასული სასწავლო წელი ძალიან ნაყოფიერი აღმოჩნდა, რადგან ჩართული იყო ხუთ საერთაშორისო პროექტში და ხუთივეს თანადამფუძნებელი იყო. ხუთივე პროექტი: „მეგობრები ინგლისური ენის ბაღში“, „ინგლისური მთელ მსოფლიოში“, „დავუბრუნდეთ ბუნებას“, „გადავარჩინოთ პლანეტა“ და „ვირტუალური მუზეუმი“ წარდგენილია ეროვნული ხარისხის ნიშანზე. ბრიტანეთის საბჭოს და მასწავლებლის სახლის მიერ ორგანიზებული

სატრენინგო კონკურსი, რომელიც შედგება, როგორც თეორიული, ისე პრაქტიკული ნაწილისაგან და ძალიან ღირსეული სერთიფიკატისაგან, მისთვის დიდი გამოცდილების და წინსვლის მომტანი იქნება.

2018 წელს ჩაერთო პროფესიული განვითარების საქმიანობაში, გადავიდა შემდეგ საფეხურზე და მიიღო წამყვანი მასწავლებლის სტატუსი. 2022 წელს გავიდა განათლების სამინისტროს მიერ დაანონსებულ გამოცდებზე და გადალახა მენტორი მასწავლებლისათვის დადგენილი ზღვარი.

ლალის მოსწავლეებმა არაერთ ეროვნულ კონკურსში მიიღეს მონაწილეობა და ჩართულნი იყვნენ რამდენიმე საერთაშორისო პროექტში. „ყველა ის აქტივობა, რომელიც სკოლაში, მოსწავლეთა ჩართულობით განხორციელდა არ იქნებოდა წარმატებული, რომ არა თერჯოლის №1 საჯარო სკოლის დირექტორი ქალბატონი ელისო მურადაშვილის მხარდაჭერა. „ძალიან მინდა, რომ ყველა მოტივირებულმა, დაინტერესებულმა და მშრომელმა პედაგოგმა განიცადოს პროფესიული სიხარული. ჩემთვის დაუვინყარია გასაუბრებისა და პრეზენტაციის დღე, 25 წუთი დასჭირდა 2019-2022 წლებში შესრულებული აქტივობის წარდგენას, დღემდე მასსოვს კომისიის წევრის სიტყვები—საკმარისზე მეტი გიმუშავია... რასაც მოჰყვა ინგლისური ენისა და ლიტერატურის მენტორი მასწავლებლის სტატუსი“. ლალი ფიქრობს, რომ მასწავლებლის პროფესიული განვითარება უწყვეტი პროცესია, ეს არის მუდმივად განახლებადი, ცვალებადი და სიახლეებით მდიდარი სფერო, მიესალმება ყველა იმ სასიკეთო ცვლილებას, რომელიც მოსწავლის განვითარებაზე და განათლებაზე იქნება ორიენტირებული და არა დროის, რესურსისა და ენერჯის ტყუილად ხარჯვაზე. „ჩემთვის განსაკუთრებით სიხარულის მომგვრელია ის ფაქტი, როცა ჩემს მოსწავლეებს აინტერესებთ მასწავლებლობა და სურვილი აქვთ, ინგლისური ენის მასწავლებლები გახდნენ“—ამბობს იგი.

მოტივაციის მომტანი არსებები

როული, შრომატევადი, დაძაბული იყო წლები, რომელიც მიზნამდე მიიყვანდა, ამ პერიოდში ხანდახან როგორც თვითონ თქვა, „დავინყებია“ კიდევ. მისი მოტივაციის მთავარი შემოქმედნი შვილებია. ლალი სამი ანგელოზის დედაა—ხუთი წლის გიორგი, სამი წლის გაბრიელი და ორი წლის მარიამი, მისი სიამაყეა. მისი სურვილია, რომ შვილები ისეთივე სულის-



კვეთებით გაზარდოს, როგორც მშობლები ზრდიდნენ, უნდა მისმა შვილებმა—იცოდნენ სწავლის და შრომის ფასი. ლალი ის ქალია, რომელსაც წინ ვერაფერი დაუდგება, დაუდგება და გადალახავს.

მუშუნა ცხადაძე

„წლები მიფრინავს, მერე რა“...

ზოია თურქაძეს კარგად იცნობს თერჯოლა. იცნობს, როგორც აქტიურს, შრომისმოყვარეს, ერთგულ და საიმედო ადამიანს, მას ბევრგან უმუშავებია, ყველგან ამულავენებდა ნიჭსა და უნარს, ჩუმსა და უპრეტენზიოს არ იზიდავდა თანამდებობები, პირველობის სურვილი არასოდეს ჰქონია.



ზოია კარგი მეგობარია, ულალატო, როგორც თვითონ ამბობს ერთ-ერთ ლექსში „მეგობრები ამიდევენ“. სამუშაო, მეგობრები, უამრავი ნაცნობი, რომლებიც წლებმა დაუფროვა ზოიასათვის ყველაფერია. განსაკუთრებით უყვარს პოეზია, ზეპირად სწავლობდა მის ბრწყინვალე ნიმუშებს, ხშირად გვიკითხავდა ექსკურსიებზე თუ დაბადების დღეებზე. თვითონაც კარგად წერს, მაგრამ ყოველთვის ფრთხილობს, იშვიათად, ათასში ერთხელ მიაკითხავდა რედაქციას, ისიც თხოვნის საფუძველზე.

ვულოცავთ ზოია თურქაძეს დაბადების დღეს, ჯანმრთელობას ვუსურვებთ, ბედნიერი ყოფილიყოს მისთვის ანი გასაველი. ამჯერად კი მისი ცხოვრება გაახალისა სსიპ სოციალური მომსახურების სამმართველოს მადლობის სიგელმა, რომელშიც გვითხვობთ—ზოია თურქაძეს—სააგენტოს განვითარებაში შეტანილი წვლილისათვის, კეთილსინდისიერი და ხანგრძლივი სამსახურისთვის. სოციალური სააგენტოს თერჯოლის სერვისცენტრის თანამშრომლებმა რედაქციას სთხოვეს მისი ლექსის დაბეჭდვა.

წლები მიფრინავს, მერე რა, გული ხომ გვრჩება უცვლელი...

ჩემო თავო გინერ ამ ლექსს, რა ცხოვრება წავიდა, სიყმანვილის შემდეგ წლები დულ შრომაში გავიდა. ხვალინდელი დღის იმედით წლები ხელში გამიქრა, ვერ აღვიქვი შვილის სითბო სიყვარულიც ჩამიქრა. მოგონება დამრჩა მხოლოდ იმ ლამაზი დღეების, გულს შემორჩა ფიქრი, სევდა, თავს დაფრქვეულ მზეების. მაიმედებს მეგობრები ჩემი სულის ლადარი. „გამიფრინდა სიჭაბუკე“, ჩამურჩულეს ჭადარი. მაგრამ გული არ ბერდება, ეს ოხერი ტიალი, ყველა მიყვარს ვინც გულს არ მტკენს მიყვარს მათთან შრიალი. სიჭარმავე გული მტკივა, უდროო დროს დამეცი, ხო ხედავ არ გეპუები მოხველ, ხმა არ გაგეცი. ჰოდა ცოტა ამერიდე, დამაცალე სიცოცხლე, ვინაც მიყვარს არ წამართვა ჩემთან ერთად მიცოცხლე. ახალგაზრდულ შემართებით ეს ცხოვრება გავლიო დღევანდელი გაჭირვება შრომით, გარჯით დაძლიო. ჰოდა ასე ჩემო თავო, გავიკეთოთ გუნება, ფულისთვის და ქონებისთვის არ გვქონოდეს ცდუნება. რომ უფალთან წარვდგეთ ისე გული გვქონდეს მართალი დანარჩენი ღვთის ნება ვძლიოთ ჩამონათვლიო. ყველას გკოცნით, გეფერებით, ვინც დღეს მივსებთ ცხოვრებას. „კაცი კაცი, ხე ფესვებით“ სჯობს მილიონ ქონებას.

„თერჯოლობა“ – 2023

თერჯოლა, 22 ოქტომბერი, 2023 წელი

„ჩემს თერჯოლას სკანდის ციხით დაფუძვები დარაჯად, დავცემულვარ მუხლზე ლოცვად დედა ღვთისას კარადა, სიყვარული მოდის ჯარად, სიძულვილი არა ჩანს...“

ლაშა გოგიაშვილის სახელობის თასი „თერჯოლამ“ მოიპოვა

2023 წელი, 22 ოქტომბერი— ამ თარიღს ერთ, განსაკუთრებულ დღედ მიითვლის თერჯოლის მუნიციპალიტეტი და მისი ცენტრი ქ. თერჯოლა.

ფეხბურთელებმა წარმოუდგინეს მრავალრიცხოვან მაყურებელს. თამაშის ქრონოლოგია ასეთი გახლდათ: პირველი გოლის

გუნდებს და შემდგომი წარმატებები უსურვა მათ. მანვე საკრებულოს თავმჯდომარის მოადგილეებთან, დავით გოგბერაშვილთან და ჯემალ ისაკაძესთან ერთად ფინალში გასული თერჯოლისა და ძეგრის გუნდები შესაბამისი პრიზებით დააჯილდოვა. გამარჯვებული გუნდის კაპიტანს გადასცა თასი, მედლები, სამახსოვრო დიპლომები და ფულადი ჯილდო. მეორე ადგილზე გასულ გუნდს გადაეცა ფულადი ჯილდო, მედლები და სამახსოვრო დიპლომი.

ცალკე უნდა აღინიშნოს მსაჯთა კოლეგიის (რამაზ გურაბანიძე, სანდრო შულაძე, ელგუჯა გოგბერაშვილი) მაღალკვალიფიციური მსაჯობა. სრულ მზადყოფნაში იყო სპორტული სკოლა და სპორ-



ტული ღვინისგან გულმხურვალობა გამოიჩინა და ერთი საუკეთესო, მცხუნვარე მზით გამთბარ-განათებული დღე გვაჩუქა.

ამ დღეს, „თერჯოლობის“ პირველი ღონისძიება, ფეხბურთში ლაშა გოგიაშვილის სახელობის საფეხბურთო ტურნირის ფინალური მატჩით დაიწყო. ვიდრე ამ თამაშის შედეგებს ვაგაცნობთ, ფეხბურთის მოყვარულებს მოვუთხრობთ, რომ მიმდინარე წლის 5 ოქტომბრიდან 22 ოქტომბრის ჩათვლით, ქალაქ თერჯოლის ხელოვნურსაფარიან სტადიონზე, ლაშა გოგიაშვილის სახელობის მუნიციპალიტეტის პირველობა მიმდინარეობდა მინი ფეხბურთში. მერიის განათლების, კულტურის, სპორტისა და ახალგაზრდულ საქმეთა სამსახურის ორგანიზებით ტურნირი, რომელშიც ჩვიდმეტი გუნდი მონაწილეობდა ოლიმპიური სისტემით გაიმართა.

საინტერესო პაექრობათა შემდეგ ნახევარფინალში ქალაქ თერჯოლისა და სოფელ ენრის—ასევე, სოფელ ზედა საზანოსა და ძეგრის გუნდები გავიდნენ. გაიმბობთ თუ როგორ წარიმართა ლაშაზი სანახაობა, რომელიც თერჯოლა-ძეგრის



გატანა მონინალმდეგეთა კარში მასპინძლებმა იზეიმეს, მაგრამ გულხელდაკრეფილი არც სტუმრები იყვნენ და საპასუხო გოლის გაქვითვაც შეძლეს.

ძირითადი დროის და დამატებით ორი ხუთწუთიანი ტაიმების შემდეგ პენალტების ჯერმა გადაწყვიტა მატჩის ბედი თერჯოლელთა სასარგებლოდ (4:2).

მრავალრიცხოვანი მაყურებელი ფეხზე ამდგარი მიესალმებოდა და ტაშს უკრავდა ორ საუკეთესო გუნდს.

მუნიციპალიტეტის მერი ბატონი მანუჩარ რობაქიძე თბილად მიესალმა ფინალისტ

ტულ-გამაჯანსაღებელი სკოლის ექთანი ნატო ნებიერიძე.

ფინალისტი გუნდების შემადგენლობები:

ქალაქი თერჯოლა—გიორგი თურქაძე, ნიკა ლიბრაძე, ლევან ფორჩხიძე, თამაზ კვერნაძე, გოგა არაბიძე, თორნიკე ზარნაძე, ლაშა ნიკოლაძე, თორნიკე კიკვიძე, მიშიკო სამანიშვილი.

სოფელი ძეგრი—გელა ფანჩულიძე, გიორგი ფანჩულიძე, გოგა ფანჩულიძე, შავლეგო ფანჩულიძე, ლექსო ფანჩულიძე, გიორგი ბერძული, ბექა ჯიხვაშვილი, კაკო აბულაძე, შოთა აბულაძე, თემურ ქათამაძე.

ნაჩქარევი, გაურანდავი სტრიქონები დაწერილი „თერჯოლობის“ დღეს

თუზიდან დაწყებული—კვახჭირის ჩათვლით ყოველი ნიუანსის გათვლით —გავიხარეთ ამ დღით!

თერჯოლობის ზეიმზე ერთბაშად განათდა ცხრათვალა მზე.

თერჯოლა ახლა სულ სხვანაირია ვარდ-ყვავილნარი ერთბაშად გადაირია...

„კაი გამარჯობა შენი“—ესმის ქუჩას ზეიმს კაი პირი უჩანს...

ოქტომბრის მზე გვათბობს, გვახარებს ღრუბლები მიჰქრიათ სხვა მხარეს...

ყანნი გამომართვი სტუმარო, „შიგ ალადასტური“—ჩვენი ძმობის დასტურია.

ამ ყანს არავის დავანებებ, არ მივცემ, გამომართვი, ძმობას ვაფიცებ...

ისეთი ლამაზი, ისეთი სიამის მომგვრელი, სიტყვა არ მინახია—როგორიც ვენახია.

თერჯოლური ღვინო, რომ ყველგან მოწონებით სარგებლობს ჩვენი ციცკა, ცოლიკაური, ალადასტური არის ამის დასტური.

რა ხმაურია მანდ?

გაისმის სუფრის თამაძის მკაცრი ხმა!?

—იძულებით ვწყვეტ წერას ვმორჩილებ ბედისწერას.

ეს ლამაზი დღე დიდხანს გვექნება საამო-სალაპარაკოდ! და არა საიგავ-არაკოდ!

ნუზხარ გამყრელიძე



ანდრო ვაშაკიძე

გარდაიცვალა თერჯოლის ვეტერანთა საქმეების ყოფილი ხელმძღვანელი ანდრო ვაშაკიძე.

ანდრო იოსების ძე ვაშაკიძე დაიბადა ქ. რუსთავში 1960 წლის 13 მარტს. იმავე ქალაქში მიიღო საშუალო განათლება. დამთავრებული ჰქონდა თბილისის სახელმწიფო უნივერსიტეტის სამრეწველო-საინჟინრო ფაკულტეტი.

ქ. ბათუმში მოიხადა სამხედრო-სავალდებულო სამსახური და განაგრძო

მოღვაწეობა საქართველოს შეიარაღებული ძალების ეროვნულ გვარდიაში.

მონაწილეობდა ჯერ აფხაზეთისა და სამაჩაბლოს საბრძოლო კონფლიქტებში, ხოლო 2008 წელს თავის ორ შვილთან ერთად—რუსეთ-საქართველოს ომში.

სამხედრო-შეიარაღებული ძალების ხელმძღვანელობისგან მიღებული ჰქონდა მრავალი მაღლობა, უწყებრივი მედალი და ვახტანგ გორგასლის მესამე ხარისხის ორდენი.

ბატონი ანდრო 2017 წლიდან 2023 წლამდე გახლდათ თერჯოლის ვეტერანთა დეპარტამენტის წარმომადგენელი.

მას მინიჭებული ჰქონდა მაიორის სამხედრო წოდება.

თერჯოლის ვეტერანთა შორის სარგებლობდა კარგი ავტორიტეტით. ისინი თერჯოლის საზოგადოებასთან ერთად მწუხარებას გამოთქვამენ და სამძიმარს უცხადებენ განსვენებულს ოჯახს.

თერჯოლის მუნიციპალიტეტის საკრებულო

თერჯოლის მუნიციპალიტეტის მერია

თერჯოლის ვეტერანთა საქმეების სახელმწიფო სამსახური

